

ՀՀ առողջապահության նախարարության  
գլխավոր բարտուղար Վարդանուշ Գրիգորյանին  
Մեդէքսպերտ ՍՊԸ տնօրեն Նելլի Հակոբյանից  
(հեռ. 077 002100, Էլեկտրոնային  
փոստ medexpertarmenia@gmail.com)

## ԴԻՄՈՒՄ

Հարգելի տիկին Գրիգորյան

Մեդէքսպերտ ՍՊԸ-ն հանդիսանալով ՀՀ ԱՆ ԷԱՃԱՊՁԲ-2023/44 ծածկագրով Էլեկտրոնային աճուրդի հրավերի մասնակից, 2023թ. դեկտեմբերի 14-ին օգտվելով իր իրավունքից նամակ էր ուղարկել ՀՀ առողջապահության նախարարության «ԱՌՈՂՋԱՊԱՀԱԿԱՆ ԾՐԱԳՐԵՐԻ ԻՐԱԿԱՆԱՑՄԱՆ ԳՐԱՍԵՆՅԱԿԻ տնօրենի տեղակալ Վահան Վահանյանին՝ ներկայացնելով գրավոր պահանջ հետևյալ պայմանագրերի արդյունքի ընդունման գործընթացին պատասխանատու ստորաբաժանման հետ համատեղ մասնակցելու վերաբերյալ (նամակը կցված է):

1. ՀՀ ԱՆ ԷԱՃԱՊՁԲ-2023/44-3 - ԹԱԳՅԵՄ ՍՊԸ - II դասի բիոլոգիական ապահովության կաբինետ
2. ՀՀ ԱՆ ԷԱՃԱՊՁԲ-2023/44-5 - Թեոֆարմա Իմպորտ ՍՊԸ - ավտոկլավներ, Ավտոկլավ սեղանի, Մանրէազերծիչ չոր օդային, Ունիվերսալ վիրահատական սեղան, Վոյուլմետրիկ ներարկման պոմպ, Էլեկտրասրտագրիչ շարժական
3. ՀՀ ԱՆ ԷԱՃԱՊՁԲ-2023/44-8 - ԷՅԷՅ ԻՆՏԵՆՍԻՒՆԳ ՍՊԸ - Ավտոմատ ներարկիչ
4. ՀՀ ԱՆ ԷԱՃԱՊՁԲ-2023/44-10 - ՅՈՒՆԻՄԵԴ ՍՊԸ - Էլեկտրավիրաբուժական սարք 400 Վտ, Օդի ռեցիրկուլյատոր
5. ՀՀ ԱՆ ԷԱՃԱՊՁԲ-2023/44-11 - ՄԵԴԹՐԵՅԴ ՍՊԸ - Հետազոտման լամպ
6. ՀՀ ԱՆ ԷԱՃԱՊՁԲ-2023/44-1 - Մեդտեխսերվիս ՍՊԸ - Հիվանդի մոնիտոր, Վիրաբուժական արտածծիչ, Պտղի մոնիտոր, Շարժական վերակենդանացման սեղան նորածինների համար, Գերբարձր հաճախականության սարքավորում
7. ՀՀ ԱՆ ԷԱՃԱՊՁԲ-2023/44-9 - Երմեդ ՍՊԸ - Հիվանդի մոնիտոր CO2 վերլուծիչով
8. ՀՀ ԱՆ ԷԱՃԱՊՁԲ-2023/44-2 - ԱՆՆԱՐԿԱ ՍՊԸ - Շարժական ուլտրաձայնային համակարգ 3, Ստացիոնար ուլտրաձայնային համակարգ 3 տվիչով, Ստացիոնար ուլտրաձայնային համակարգ 4 տվիչով:

Իր դիմումի մեջ Մեդէքսպերտ ՍՊԸ-ն վրիպակի արդյունքում նշել է ՀՀ ԱՆ ԷԱՃԱՊՁԲ-2023/43 ծածկագիրը, չնայած այդ ընթացակարգին ևս մասնակցել է և հանրային հսկողություն իրականացնելու դիմում ներկայացրել, սակայն դիմումի բուն տեքստի մեջ



ճշգրիտ գրված են այն պայմանագրերի ծածկագրերը, որոնց նկատմամբ հանրային հսկողության պահանջ է ներկայացվել Մեղէքսպերտ ՍՊԸ կողմից:

Ի պատասխան նամակի, Վ. Վահանյանը 2023թ. դեկտեմբերի 18-ին հայտնել էր, որ մեջբերում եմ.

<<Հարգելի տիկին Հակոբյան

Համաձայն 4 մայիսի 2017թ. N527-Ն կառավարության որոշմամբ հաստատված «Գնումների գործընթացի կազմակերպման կարգի»

50.1. կետի՝ մասնակիցների կողմից պայմանագրի արդյունքների ընդունման գործընթացին պատվիրատուի հետ համատեղ մասնակցելու պահանջ ներկայացման ժամկետը լրանալուն հաջորդող երեք աշխատանքային օրվա ընթացքում պատասխանատու ստորաբաժանման ղեկավարը կնքված պայմանագրի հայտարարության մեջ նշված իր էլեկտրոնային փոստի հասցեից ծանուցում է ուղարկում սահմանված պահանջներին՝

1) համապատասխանող գրություն ներկայացրած անձին՝ պայմանագրի կատարման արդյունքի ընդունման գործընթացին վերջինիս մասնակցությունը հաստատված լինելու մասին, ծանուցումը և սույն կետով նախատեսված շահերի բախման բացակայության մասին հայտարարությունների բնօրինակից արտատպված օրինակները հրապարակելով նաև տեղեկագրում: Գործընթացին մասնակցության շրջանակում լիազորված ֆիզիկական անձի փոփոխությունն իրականացվում է սույն կետով սահմանված կարգով՝ պատվիրատուին ներկայացվող գրության հիման վրա.

2) չհամապատասխանող գրություն ներկայացրած անձին՝ պայմանագրի կատարման արդյունքի ընդունման գործընթացին վերջինիս մասնակցությունը հաստատված չլինելու մասին:

Տեղեկացնում եմ Ձեզ, որ իմ կողմից սահմանված ժամկետում հնարավոր չէր ծանուցել Ձեզ՝ պայմանագրի արդյունքների ընդունման գործընթացին Ձեր ներկայացուցչի մասնակցությունը հաստատված լինելու կամ չլինելու մասին, բանի որ, Ձեր կողմից մասնակցության դիմումը ներկայացվել է նշված ժամկետի լրանալուց հետո:

Միաժամանակ տեղեկացնում եմ որ Ձեր դիմումի տեքստում առկա է անհամապատասխանություն կամ վրիպակ, մասնավորապես՝ որպես ՀՀ ԱՆ ԷԱԾԱՊԶԲ-2023/44 ընթացակարգի շրջանակներում կնքված պայմանագրերի արդյունքների ընդունման գործընթացին մասնակցելու իրավունքի հիմնավորում նշվել է Ձեր մասնակցությունը ՀՀ ԱՆ ԷԱԾԱՊԶԲ-2023/43 ընթացակարգին:

Հաշվի առնելով վերոգրյալը և այն հանգամանքը որ, Ձեր կողմից պայմանագրերի արդյունքների ընդունման մասնակցության դիմումի ներկայացման ժամկետները՝ տեղեկացնում եմ , որ Ձեր մասնակցությունը ՀՀ ԱՆ ԷԱԾԱՊԶԲ-2023/44 ընթացակարգի շրջանակներում կնքված պայմանագրերի արդյունքների ընդունման գործընթացին չի հաստատվում:>> մեջբերման ավարտ:



Հարկ է նշել, որ Վ. Վահանյանի պատասխանում, որպես ՀՀ ԱՆ ԷԱԾԱՊՁԲ-2023/44 ընթացակարգի շրջանակներում կնքված պայմանագրերի արդյունքների ընդունման գործընթացին մեր ընկերության մասնակցությունը չհաստատելու հիմնավորում բերված ՀՀ կառավարության որոշման համար, որը հավանաբար վրիպակ է, մասնավորապես գրված է N527-Ն, մինչդեռ հավանաբար պետք է գրվեր N526-Ն, սակայն մեր ընկերության համար ոչ թե դա է խնդրահարույց, այլ որպես հիմնավորում բերված **եռօրյա ժամկետը բաց թողնելու** հանգամանքը: Մեր ընկերությունը չէր կարող բաց թողնել եռօրյա ժամկետը, քանի որ Մեղեքսպերտ ՍՊԸ-ն շուրջ 60 օր առաջ, **ամենօրյա ռեժիմով (այդ թվում ոչ աշխատանքային օրերին)**, օրական երեք անգամ gnumner.am կայքի փնտրման դաշտում մուտքագրել է ՀՀ ԱՆ ԷԱԾԱՊՁԲ-2023/44 ծածկագիրը, որպեսզի բաց չթողնի կնքված պայմանագրի մասին հայտարարությունը (Chrome գննարկիչի արխիվում պահպանված է այցելությունների քանակը): Նույն բժախնդրությունը դրսևորվել է նաև ՀՀ ԱՆ ԷԱԾԱՊՁԲ-2023/35, ՀՀ ԱՆ ԷԱԾԱՊՁԲ-2023/38, ՀՀ ԱՆ ԷԱԾԱՊՁԲ-2023/43, ՀՀ ԱՆ ԷԱԾԱՊՁԲ-2023/47 ծածկագրով էլեկտրոնային աճուրդների արդյունքում կնքված պայմանագրերի մասին հայտարարությունը gnumner.am կայքում հրապարակելու օրը ճիշտ ժամանակին հայտնաբերելու և հանրային հսկողության համար անհրաժեշտ փաստաթղթերը ժամանակին ներկայացնելու հարցում: Բոլոր նշված ծածկագրերի դեպքում, հանրային հսկողություն իրականացնելու դիմումները հաջողվել է ներկայացնել ժամանակին և դրանք բավարարվել են:

Մեղեքսպերտ ՍՊԸ-ն նամակ է ուղարկել ՀՀ ֆինանսների նախարարությանը, խնդրելով պատասխանել, թե **կոնկրետ երբ է հրապարակվել, տեսանելի դարձել ՀՀ ԱՆ ԷԱԾԱՊՁԲ-2023/44 ընթացակարգի շրջանակներում կնքված պայմանագրերի մասին հայտարարությունը**: Ի պատասխան ՀՀ ֆինանսների նախարարությունից նշել են, որ ՀՀ ԱՆ ԷԱԾԱՊՁԲ-2023/44 ընթացակարգի շրջանակներում կնքված պայմանագրերի մասին հայտարարությունը տեխնիկական խնդրով պայմանավորված **29.11.2023թ.-ի դրությամբ հրապարակված չի եղել gnumner.am կայքում**: Բացի այդ, ՀՀ ֆինանսների նախարարությունից մեր ընկերությանը հայտնել են, որ ՀՀ առողջապահության նախարարության կողմից այդ տեխնիկական խնդիրը **2023թ. դեկտեմբերի 11-ին** ներկայացվել է ՀՀ ֆինանսների նախարարությանը և վերջինս **նույն օրը ապահովել** է այդ հայտարարության տեսանելիությունը տեղեկագրում (կից ՀՀ ֆինանսների նախարարությունից ստացված պատասխանն է):

Մենք գիտակցում ենք, որ Վ. Վահանյանը մեր դիմումին պատասխանելիս առաջնորդվել է տեղեկագրում gnumner.am կայքում արտացոլված հրապարակման ամսաթվով, սակայն փաստացի ՀՀ ԱՆ ԷԱԾԱՊՁԲ-2023/44 ընթացակարգի շրջանակներում կնքված պայմանագրերի մասին հայտարարությունը **29.11.2023թ.-ի դրությամբ հրապարակված չի եղել gnumner.am կայքում**, հետևաբար Մեղեքսպերտ ՍՊԸ-ն բաց չի թողել եռօրյա ժամկետը: Այդ հայտարարության տեսանելիությունը տեղեկագրում gnumner.am կայքում փաստացի ապահովվել է 2023թ. դեկտեմբերի 11-ին, հետևաբար Մեղեքսպերտ ՍՊԸ-ն



Նույնիսկ ցանկության դեպքում չէր կարող եռօրյա ժամկետում դիմում ներկայացնել: Այս ամենը հաշվի առնելով Մեդէքսպետ ՍՊԸ-ն ներկայացրել է իր դիմումը նշված հայտարարությունը տեղեկագրում փաստացի տեսանելի լինելու ամսաթվից հետո եռօրյա ժամկետում՝ 2023թ. դեկտեմբերի 14-ին:

Բացի այդ ցանկանում ենք տեղեկացնել, որ ՀՀ պետական շահից է բխում Մեդէքսպետ ՍՊԸ կողմից հանրային հսկողության իրականացումը, քանի որ ՀՀ ԱՆ ԷԱԾԱՊՁԲ-2023/35-2 համարով կնքված պայմանագրի նկատմամբ Մեդէքսպետ ՍՊԸ կողմից իրականացված հանրային հսկողության շրջանակներում արդեն ներկայացվել է դիրքորոշում, որի համաձայն Մեդտեխսերվիս ՍՊԸ կողմից ներկայացվել են կեղծ և անվավեր վկայականներ, իսկ ՀՀ ԱՆ ԷԱԾԱՊՁԲ-2023/44-1, ՀՀ ԱՆ ԷԱԾԱՊՁԲ-2023/44-2, ՀՀ ԱՆ ԷԱԾԱՊՁԲ-2023/44-3, ՀՀ ԱՆ ԷԱԾԱՊՁԲ-2023/44-5, ՀՀ ԱՆ ԷԱԾԱՊՁԲ-2023/44-8, ՀՀ ԱՆ ԷԱԾԱՊՁԲ-2023/44-9, ՀՀ ԱՆ ԷԱԾԱՊՁԲ-2023/44-10, ՀՀ ԱՆ ԷԱԾԱՊՁԲ-2023/44-11 ծածկագրերով կնքված պայմանագրերից մի քանիսում առկա են նույն արտադրողները, հետևաբար մեծ է հավանականությունը, որ առերևույթ կեղծ և անվավեր վկայականներ կներկայացվեն նաև այդ պայմանագրերով նախատեսված ապրանքների մատակարարման ժամանակ:

Ելնելով վերոգրյալից, խնդրում ենք Ձեզ ձեռնարկել անհրաժեշտ միջոցներ, Մեդէքսպետ ՍՊԸ մասնակցությունը նշված ծածկագրերով պայմանագրերի արդյունքի ընդունման գործընթացին պատասխանատու ստորաբաժանման հետ համատեղ մասնակցելու վերաբերյալ:

Խնդրում ենք նաև հնարավորության դեպքում նշանակել ընդունելության ժամ, սույն նամակի հետ կապված հարցերը մանրամասն քննարկելու նպատակով:

Հարգանքով

Նելլի Հակոբյան

Մեդէքսպետ ՍՊԸ

Հեռ. 077002100

22 դեկտեմբեր 2023թ.

